

**ՎԵՐԱՆԱՅԵԼ ԱՆՑՅԱԼԸ, ԽՈՐՀԵԼ ՆԵՐԿԱՅԻ
ՄԱՍԻՆ. ՀԱՅ-ԹՈՒՐԲԱԿԱՆ
ՀԱՐԱԲԵՐՈՒԹՅՈՒՆՆԵՐԻ ԱՊԱԳԱՆ*
ԺՐԱՅՐ ԼԻՊԱՐԻՏՅԱՆ**

Հայ-թուրքական հարաբերությունների հարցը զգացական տեսանկյունից ունի խոցող, քաղաքական տեսանկյունից՝ պայթուցիկ և մտավորական տեսանկյունից՝ խրթին բնույթ: Խնդիրը վերաբերում է երկու ժողովուրդների հիշողությանը, ինքնությանը և հավաքական ճակատագրին, ժողովուրդները, որոնք փոխադարձաբար նզովել են միմյանց, բայց դատապարտված են եղել ապրել միասին, լինի այդ իրենց հայրենի հողում կամ էլ սփյուռքի համայնքներում, ուր իրենք վայելում են Եվրոպայի, Հյուսիսային և Հարավային Ամերիկաների իրենց հյուրընկալած երկրների քաղաքացիությունը: Հայերի և թուրքերի միջև անհամաձայնությունը հիմնականում կապված է ցեղասպանության խնդրի հետ:

Բայց ո՞րն է ցեղասպանության հարուցած խնդիրը: Արդյո՞ք հարցը վերաբերում է պատմության պարզաբանմանը, Օսմանյան կառավարության և կամ հայ դեկավարների գործողություններին և վարած քաղաքականության բնույթին: Արդյո՞ք զոհերի թիվն է խնդրի առարկան: Եվ կամ էլ մտադրվածության հարցը: Անհամաձայնությունը վերաբերում է անցյալում կատարված այդ իրադարձության սահմանմանը, թե՞ նրան տրվող տերմինին: Ինչո՞վ կարող են արխիվային փաստաթղթերը, պատմական տվյալները կամ տրամաբանական ապացույցները փոփոխել այդ իրադարձության ըմբռնումը: Ի՞նչ հետևանքներ կունենար արդյոք «ողբալի իրադարձություններ», «քաղաքացիական պատերազմ», «գոնազաղթ և ջարդեր» կամ «ողբերգություն» պիտակները «ցեղասպանություն» տերմինով փոխարինելը:

Եթե գոյություն ունենար ընդհանուր համաձայնություն Օսմանյան քաղաքականության ցեղասպանական բնույթի վերաբերյալ, ապա արդյո՞ք նույնքան կարևոր կհամոզիսանար շարունակել արդարացնել այդ քաղաքականությունը: Եվ եթե այդ քաղաքականությունը արդարացվեր, ապա

* Ձեկուցումը կարդացվել է 2000թ. հունիսի 17-ին Ֆրանսիայի Սենատի շենքում կազմակերպված «Հայ-թուրքական երկխոսությունը հայկական հարցի մասին» միջազգային գիտաժողովում:

արդյո՞ք 1915-ի դեպքերը չէին հանդիսանա ցեղասպանություն:

Այլ կերպ ասած, մենք կանգնած եմք գիտական կամ տերմինոլոգիական մի խնդրի առջև, որը կարող է լուծվել գիտական և մտավորական կամ, գուցե, միախառն ջանքերով: Եթե այդպես է, ապա ինչո՞ւ այդ հարցը չի լուծվել մինչև այսօր:

Իսկական խնդիրը, իմ կարծիքով, նյութի վերաբերյալ գոյություն ունեցող ճառագիտությունից բխող փոխադարձ անհասկացողությունն է: Խոսքը չի գնում պարզապես մեկ պատմության վերաբերյալ հակադիր տեսակետների, այլ կրկու պատմությունների մասին: Կարծես թե երկու գատ ժողովուրդների ուղիները խաչաձևվել են 1915-ին, ամեն մեկը կատարելով իր բնույթից բխող մի որոշակի և անխուսափելի դեր: Յուրաքանչյուրն ինչպեստ իրեն օգտագործել է «զոհի և դահճի» գաղափարը:

Ինձ քվում է, որ մենք պետք է սկսենք պատմության գաղափարական հիմքերը վերանայելուց:

Ջանազան պատմությունների, պարսավանքների և սուգի արտահայտությունների միջև պակասում են ուսումնասիրությունները այդ անվիճելիորեն պատմական իրադարձության պատճառի կամ պատճառների վերաբերյալ:

Գերակշռող տեսակետը, որը բացատրում է դեպքերը իբրև երկու ազգայնական շարժումների բախում, բավարար չափով հաշվի չի առնում հայերի, իբրև Օսմանյան կայսրության քաղաքական համակարգի բաղադրիչ մի մաս, կատարած տարբեր դերերը: Հնարավոր է արդյոք վերանայել այդ ժամանակաշրջանի պատմությունը, առանց անցյալի մեջ տեղադրելու այն:

Ըստ իս, Հայկական հարցը ունի երկու կողմ. ազգային և քաղաքական: Հնարավոր չէ հասկանալ ազգային կողմն առանց նկատի առնելու երեք այլ ոչ թե երկու ամբողջություններ. Օսմանյան պետության և նրա երիտարուրդ ղեկավարների, հայերի, և Մեծ տերությունների բարդ հարաբերությունները: Օսմանյան կայսրությունը, հայերին ճշշող պետությունը, Մեծ տերությունների իմպերիալիզմի գոհն էր: Հայերը Օսմանյան պետության գոհն էին, բայց փրկություն էին որոնում Մեծ տերությունների մոտ: Մեծ տերությունները նոր քաղաքակրթության, առաջադիմության և բավականության իրենց ներշնչումներով, մասնատում էին Օսմանյան կայսրությունը:

Քաղաքական կողմը կապված է հիմնականում հայ քաղաքական կուսակցությունների պաշտպանած ազատական ծրագրի հետ, կուսակցություններ, որոնք երբեմն դիմում էին զինված պայքարի: Հայ քաղաքական կուսակցությունները հանդիսանում էին ժողովրդական հիմք ունեցող միակ քաղաքական ուժը, որը հավատ էր ընծայում դեռ ազատական և խորհրդարանական քաղաքական ծրագրին: Այս առումով հայերը կազմում էին Օսմանյան քաղաքական դասակարգի ձախ թևը: 1911թ. հայերը Օսմանյան ժուրքիայում վերջիններն էին, որ հաստատ կապված էին մնացել ազատական ժողովրդավարությանը, ներկայացուցչական խորհրդարանին և, ամենից առաջ, գյուղական բարեփոխումներին: Հայ բարեփոխական շարժումը միակն էր կայսրությունում, որ մտահոգված էր պետության ոչ միայն քաղաքական, այլ նաև հասարակական և տնտեսական ինքնությանը: Երիտթուրքերի համար հայկական ծրագիրը հանդիսանում էր մի ուղիղ ճանապարհի դեպի պետության թուլացում: Մինչդեռ թուրքական վերնախա-

վի համար գլխավոր նպատակը ուժեղ պետության գոյության ապահովումն էր, քարեփոխություններով կամ Մեծ տերություններին դիմադրելու ընդունակ մի պետության վերաստեղծումով: Հայերի համար կարևորը քարեփոխություններին հասնել էր, լիներ այն զինված պայքարի միջոցով, Մեծ տերությունների միջամտությամբ և կամ էլ երկուսը միասին:

Այս երկու տեսակետները իրար բախվեցին այն ժամանակ, երբ երիտթուրքերը սկսեցին պետության գոյատևումը կապել նրա թուրք բնակչության առաջնայնության հետ, այլ ոչ թե պետության բազմազգ բնույթի: Հայերը և նրանց պաշտպանած ազատականությունը մատնանշվեցին իբրև Օսմանյան կայսրության ամեն չարիքի պատճառ, իբրև մի ախտ, որը պետք էր արմատախիլ անել:

Մեծ տերությունների և բալկանյան ազգայնականության դերը և պատասխանատվությունը ցեղասպանության հարցում դեռևս չի հաստատվել ինչպես հարկն է, թեև պարզ էր, որ նրանք վճռական են հանդիսացել երիտթուրքերի գաղափարախոսության զարգացման համար: Այդուհանդերձ, իբրև ճնշման ծայրահեղ միջոց, ցեղասպանությունը միմիայն հայկական խնդիր չէ. այն հանդիսանում է մի խնդիր նաև թուրքական պատմության համար, վերաբերում է նաև Մեծ տերություններին և նրանց հաջողված պետություններին:

Ցեղասպանության ճանաչման համար պայքարը և Թուրքիայի հակազդեցությունը շատ առումներով հանդիսացել են Օսմանյան կայսրության վերջին շրջանում գոյություն ունեցող հայ-թուրքական հարաբերությունները բնորոշող վատթարագույն կողմերի արտացոլումը:

Հայերը մինչև այժմ կույր և համառ դիրքորոշում են ցուցաբերել ցեղասպանության հարցում: Նրանք մեղադրել են բոլոր, ինչպես անցյալի, այնպես էլ այժմյան թուրքերին, ոճրին մասնակցելու մեջ: Կարծես թե բոլոր հայերը պայքարի էին ելել բոլոր թուրքերի դեմ: Ցեղասպանության հավաքական հիշողությունը դարձել է սփյուռքի ինքնության մի կարևոր մասը: Այն հանդիսանում է նաև սփյուռքը կազմակերպող և համախմբող գլխավոր սկզբունքը: Թուրք պետության օրինականությունը դարձվում էր խնդրի առարկա: Ի վերջո, Թուրքիայի կողմից ցեղասպանության ճանաչումը պահանջվում էր ոմանց կողմից իբրև օրինական հիմք և առաջին քայլ կորցված հողերի վերադարձի համար: 1973-ից 1983թ. ընկած ժամանակամիջոցում պայքարը ահաբերկչական բնույթ ստացավ, քիրախ դարձնելով թուրք դիվանագետները և թուրքական հաստատությունները:

Ավելին, ցեղասպանության ճանաչման համար հայկական պայքարը ձգտում էր հասնել Արևմուտքի պաշտպանությանը թուրքական պետության դեմ ճնշում գործադրելու համար:

Իր պատմության առաջին օրից ի վեր Թուրքիայի հանրապետությունը որդեգրեց ուրացման քաղաքականություն: Նկատի ունենալով փաստերի վերաբերյալ տիրող անտեղյակությունը, հետևանք պետության գործադրած ջանքերի, թուրքերի համար ոճրի պատասխանատվությունից պաշտպանվելու հիմնական միջոցը հանդիսանում էր պարզապես նրա մերժումը: Որևէ թուրքի կողմից այդ ոճրի ճանաչումը հավասար էր իր ազգության, իր ինքնության դավաճանության: Մակայն Թուրքիան գնաց ավելի հեռուն: Թուրք պաշտոնական պատմաբանները խնդրի առարկա դարձրին պատմության մեջ հայ ազգի կամ հայկական պետության գոյությունն անգամ: Այդ պահից ի վեր, մնում էր միայն մի քայլ անել դեպի Հայոց ցեղասպանու-

պշանանը և շարունակվեցին ամբողջ ժամե: Սակայն, Զեյրաջարի գրավումը 1993թ. հայկական ուժերի կողմից վերջ դրեց այդ բանակցություններին:

Այդ ժամանակից ի վեր Թուրքիան ի հայտ է բերում հակասական վերաբերմունքներ Հայաստանի հանդեպ: Մի կողմից նա Ղարաբաղի բանակցություններում ամբողջակամորեն նեցուկ է լինում Ադրբեջանի կարծր դիրքորոշմանը՝ մեծ մասամբ ադրբեջանցիների հետ ազգային մանուկությունների պատճառով, այն աստիճան, որ Հայաստանի հանդեպ իր քաղաքականությունը դարձրել է իր ադրբեջանական քաղաքականության պատանդը: Մյուս կողմից, նա թույլատրում է իր տարածության վրայով Հայաստան հասցնել Եվրոմիության կողմից վերջինիս հատկացված հացահատիկը 1992-1993թթ. սարսափելի ճանաչում ընթացքում, ցույց տալով, այդպիսով, այդ երկրի հետ բարիդրացիական նորմալ հարաբերություններ հաստատելու իր կամքը:

Նույնիսկ եթե դիվանագիտական հարաբերությունները դեռևս հաստատված չեն երկու երկրների միջև, ապա հաճախ զգույշ, ոչ պաշտոնական բայց առողջ մի երկխոսություն է հետապնդվել Լևոն Տեր-Պետրոսյանի ողջ նախագահության ընթացքում: Յեղասպանության հարցը բարձրացվել է տարբեր առիթներով, ոչ պաշտոնական ձևով, այնպես, ինչպես ընդհանուր շահերից բխող այլ հարցեր:

Տարբերությունները շարունակում էին գոյություն ունենալ: Հայաստանը թուրքական դիրքորոշումը համարում էր մի արգելակ Ղարաբաղի խաղաղության գործընթացում, իսկ Թուրքիան հայկական քաղաքականությունը Ղարաբաղում համարում է զավթողական: Չնայած այս տարբերություններին, երկու երկրները պահպանեցին երկխոսությունը մի շարք հարցերի վերաբերյալ: Այդ երկխոսությունը, գուցե ավելի պաշտոնական ձևով, թվում է թե շարունակվում է այսօր: Քոչարյանի կառավարությունը կարծում է, թե կարող է հասնել Թուրքիայի հետ հարաբերությունների նորմալացմանը, շարունակելով համոզված իր ջանքերը ցեղասպանության միջազգային ճանաչման համար:

Տարածաշրջանում ստրատեգիական շահերի առաջացմամբ, հայ-թուրքական հարաբերությունները ստացան մի նոր նշանակություն: Աշխարհաքաղաքականության որոշ տեղական մասնագետներ Հայաստանի և Թուրքիայի միջև դիվանագիտական հարաբերությունների հնարավոր հաստատման և սահմանների բացման մեջ, ներառյալ երկաթուղային կապը, տեսնում են մի վտանգ իրենց սեփական շահերի համար: Յեղասպանության ճանաչումը մի խաղաքարտ է, որը ոմանք փորձում են շահագործել թուրք-հայկական հարաբերությունների նորմալացմանը խանգարելու նպատակով:

Թվում է, թե ճանաչմանն ի նպաստ և դեմ մղվող պայքարում երկու կողմերն էլ կրկնում են անցյալի տրամաբանությունը իրենց արդարացնելու համար: Բայց պետք է դուրս գալ այս հոռի շրջանակից: Դա պահանջում է վերանայել պատմությունը և խորհել ներկայի մասին: Կան որոշ նշաններ, որ դա արդեն տեղի է ունենում: Այնուամենայնիվ, մենք պետք է որոշենք ինքներս լուծել այդ խնդիրը և չփախցնենք նորմալացման այս նոր առիթը: